

Nit Lawesfähig

Der Hanjürg un die Annegrät
dos wor e steealt Poaar
Heut sens, daß se verheiert sen
grod fünfersiebezig Joahr

Un sou en Tog muaß gfeiert war
dos kann nit anerscht gsei
un zu dan Fest, doa lode se
aach ihr zwä Buawe ei

Scho fünfesachzig is der Fritz
der Franz is siewezig gor
der Schoursch, mit enesiewezig
woar gschturwe, grod fürnjoahr

Un wie mer sou beinanner sitzt
tuats Annegrätle soch
" O Hannjürch, guck, wos feiern mir
heut für en schüane Toch.

Duoch wos es Mönschelawe is
dos.hön mer füarnjoahr gsann ^{jung}
dar Schoursch, dar hoat sou müass starb
un ich hat'n sou garn.

Der Hannjürch trinkt sei Gläisle leer
un säicht " Ja Annegrät
dos is halt sou der Weltelaaf,
daß alles künnt und geäht;

Daß dar Schursch sou jung ~~XX~~ gsturwe is,
doa drü mach die kee Surch
ich hoo bei sei Geburt scho gsocht
dan bfenge mir nit durch.